

DISSERTATIO PHILOLOGICA

De

VERITATE OCCULTA,

PSALM. LI. 8.

Quam,

Conf. Ampl. Facult. Philos. in Reg. Acad. Aboënsi,

PRÆSIDE

LAURENTIO O. LEFREN,

L. L. O. O. & Græcæ Profess. Reg. & Ordin.

atque h. t. Rectore Magnifico,

Publicæ bonorum censuræ subjicit

JACOBUS HÆLLFORS,

Satacundensis,

V. D. M.

In AUDITORIO MAJORI Die X Junii

Anno MDCCCLXXX.

H. A. M. C.

ABOÆ,

Impressa apud Viduam Reg. Acad. Typ. J. C. FRENCKELL.

M. Wallenius

I. Cor. II. 7. Αλλὰ λαλεῖν σοφίαν θεών ἐν αισθήσει, τὸ
άποκεντρυμμένην, καὶ πεσώντες ὁ Θεός περὶ τῶν αἰώνων
αἰτίας δόξαν ἡμῶν.

§. I.

Rom.
Breve sed grave est effatum Pauli ~~1 Cor. 11: 28,~~
29. ubi pro vero Judæo non adgnoscit eum qui
in aperto, sed *eam* qui *in occulto* talis est. Quo ipso
significare vult, veram religionem Judaicam non
æstimandam esse ex publicis cærimoniiis, quæ o-
mnibus patent, sed ex *confilio divino*, quod si b*is* tan-
quam involueris latet, & *velo* demum *sibi* *ato*, per-
spicitur. Hoc in Ecclesia judaica omnibus tempo-
ribus & cognitum & agnatum fuit. Quamvis enim
maximus numerus semper in pura puta cærimonia-
rum observatione adquiescere voluerit, nunquam
tamen defuerunt, qui *linguam hanc typicam*, ut ita
dicam, pro conditione temporum, nunc *obscurius*,
nunc *distinctius* intellexerunt. Huc pertinet totus
Prophetarum chorus, cui Spiritus Sanctus identidem
clarius & certius revelabat tremendum illud *mysteri-
um*, quod Sacrificia Levitica & reliquias externus
cultus in recessu habebat, & parvus ille *cætus* *pro-
rum*, qui illorum institutioni obsecundabat, & vel ab
ipso Deo sibi peculiarem *mysterii revelationem* voce
& corde expetebat. Regi certe DAVIDI perspe-
ctum erat, *sanguine hircino* & *taurino* elui non posse
pecata, sed ad hoc requiri longe *alius generis*, longe

A

alius

alius indolis Sanguinem. Hoc extra controversiam ponit tum aliis in locis, tum Psalmo LI, ubi versiculo VIII mentionem facit *Veritatis in occulto & Sapientiae in abstruso.* Quid hæ sibi velint appellations, id hoc quidem specimine Academico, pro virili explicare statuimus.. Te vero, Lector benivole, qua decet observantia & reverentia, nunc rogatum imus, ut non tam effectum, quam conatum respicias, omniaque in meliorem interpreteris partem.

§. II.

Verba Textus Hebrei, unde argumentum dissertationis desumsimus, sic habent: *הַ אָמֵת חֶפְצָתְךָ וּבִסְתָּמָכָה תְּרוּעָנָן*. LXX INTERPRETES hæc ita transtulerunt: *ἰδία γάρ ἀληθείαν πύραπτος, τῷ ἀνθεὶ καὶ τῇ πρύταιᾳ τῆς σοφίας στειλέλωσάς οὐ.* Hos sequitur *καὶ πότα* VULGATUS: Ecce enim veritatem dilexisti: incerta & occulta sapientie tua manifestasti mibi. LUTHRUS: Sihe, du hast lust zur Wahrheit, die im verborgenen liegt, du läßest mich wissen die heimliche Weisheit. Hunc preesse imitatus est SVECUS: Si tu hafwer lust till sanningen, then i thet fördolda ligger, tu låter mig weta then hemliga wisheten. DANUS: See, du haver lust til sandhed i inderste hjerte; og du lader mig forstaae Vijsdom i lôndom. JUNIUS & TREMELLIUS: En veritate delectaris in præcordiis; & in occulto Sapientiam notam feceras mibi. CASTALIO: Evidem tu veritatem in præcordiis amas, & occulte mibi sapientiam demonstras. CLARIUS: Ecce

ce enim veritatem dilexisti; Quare occultis inspirationibus doce me solidam sapientiam. FENNUS: Credo si-
na halajat totutta joka salaudes ou; ja ilmoitat sa-
latua wijsaunden minulle. Nobis sic transferenda vi-
dentur hæc verba: Nunc revelasti (mibi) abscon-
ditum veritatem, occultam sapientiam significasti mibi.

§. III.

Prius vero, quam hanc nostram interpretatio-
nem idoneis argumentis adstruere laboremus, pau-
cis videndum erit, quid de sensu horum verborum
docuerint *Commentatores*. Quominus enim senten-
tias eorum prolixius adponere necesse sit, cum aliæ
prohibent caußæ, tum ea in primis, quod omnes
ad duas tantum classes revocari possint. Altera eo-
rum est, qui *divellunt*, altera eorum, qui *conjungunt*
membra hujus commatis. Qui *divellunt*, ii in hoc
conveniunt, quod vocem *honestum*, quæ generatim *veri-
tatem* denotat, *subjective* intelligunt de certa aliqua
affectione animi humani, quam tamen varii va-
rie determinant. BELLARMINUS *simplitatem* in-
terpretatur *cordis*, propter quam Deus Davidi multa
mysteria revelavit. TARNOVIUS, VARENUS, alii-
que, *sinceritatem confessionis* hac voce significari, sci-
funt. De *integritate* & *sinceritate*, quæ caret *hypocrisi*
sumit PISCATOR, quem secutus videtur JO. HENR.
MICHAELIS, qui in uberioribus annotationibus, ve-
ritatem sine dolo & *hypocrisi*, explicat; ubi nihil fictum,

nihil duplex, sed sincere homo & peccata sua adgnoscit
& iustitiam ac cordis mundationem sincere quart, in
quem sensum citat Psalm. XXXII 2. Ios. XXIV,
14. I. Reg. II. 4. III. 6. Ps. CXLV. 18. GEJERUS
per veritatem hoc loco indicari existimat perfectam
ac veram illam hominis probitatem, quam Deus &
diligit & exigit in lege, quam sententiam multis de-
monstrare satagit, sibi praeuentem habens HÖPF-
NERUM, qui sanitatem exponit h̄ege Dei preceptam,
qua e nihil est aliud quam iustitia, ubi nulla est simulatio,
sed ubi inclinatio, voluntas & actio exterior exacte
congruunt cum lege. Vide GEJERI Praelect. publ. ad h. l.
Hæc omnia dogmatice vera esse, ambabus concedi-
mus manibus; utrum vero etiam exegetice talia sint,
id nova eget disquisitione, quam deinceps institue-
mus, ubi demonstrandum veniet, utrumque commatis-
membum, aliis verbis, eundem sensum exhibere. Qui
hoc statuunt, ii iterum in duas abeunt faciones.
Alii, qui vocem נָבָן priori hemistichio de veritate
aginitionis & confessionis accipiunt, in posteriori
vocem נָבָן etiam de dextra peccati originalis agni-
tione & confessione interpretantur. Alii hanc vocem
de interna cordis sanctitate sumi volunt. De quibus
distinctius agit laudatus modo GEJERUS, qui recte
monet, DAVIDEM peccati originalis venenam iam iam
satis sensisse & hactenus quoque deplorasse. Quare eum
nunc ad medicinam properare statuit; ob eamquecaus-
fam, invitantibus consequentibus, nos quoque ad e-
am properare volumus. Vocem igitur נָבָן rectius
de Sapientia Evangelica intelligi censem. Idem de vo-
ce

ce altera **תְּהִלָּה** senserunt AUGUSTINUS & ARCU-
LARIUS, qui veritatem intelligunt Evangelii, quod
DAVIDI pœnitentia remissionem peccatorum promittit, ut
bene idem magnus Scripturarum explanator l. c.
observat. Habemus igitur exempla Doctorum, qui
utrumque vocabulum : **דְּבָרָה**, veritatem; & **שְׁמַן**, Sapie-
ntiam, objective & quidem de Evangelio inter-
pretati sunt. Hi nostræ sententiæ eo plus ponderis
addunt, quod veritatem perspicere potuerint, quan-
vis parallelismus, qui inter prius & posterius con-
matis membrum obtinet, non satis distincte cogre-
verint, impediente tum notione, tum tempore veri-
bi **תְּהִלָּה**, & geminum hoc impedimentum auger e
notione nominis **תְּהִלָּה**, quarum difficultatum rea-
motio nostræ qualicunque industria relicta est.

§. IV.]

Antequam tamen sententiam nostram clarius
exponere & certius adstruere queamus, necesse vi-
detur in notiones vocabulorum utriusque hemistichii,
paulo diligentius inquirere. In fronte com-
matis comparet vocula **מְ**, quam communiter ecce
interpretari solent Philologi. Hæc vox, *vi originis,*
prefens aliquid innit, & nominatim locum, aut tempus,
quod adest, unde adverbia *bic* & *nunc* saepius ex-
primit. Interdum conjunctim *ecce bic*, *ecce nunc* indi-
gitare amat. Quid? quod non raro tam emphati-
ce peni soleat, ut integræ formulæ: *Ecce bic ex-*
terior, *Ecce nunc comperto sentio, intelligo*, &c. æ-
qui.

quivaleat. Quod si ad locum, qui præ manibus est, applicare velimus, sensus erit: *Ecce nunc intelligo, quod revelasti veritatem &c.* Verbum ḪDNH hoc loco revelasti reddendum existimamus, quamvis id a nullo interpretum hactenus factum viderimus. Rationes nostri judicii sunt sequentes: Primum quidem cum talia sint prædicata, qualia permittuntur esse a suis subjectis, & hoc loco sermo sit de veritate latente in occulto vel abstruso, ut mox videbimus, facile intelligitur, verbum revelandi perquam apte hic locum habere posse. Deinde vero, quum a posse ad esse non valeat consequentia, observandum est, hoc idem verbum, ex lege parallelismi, optime respondere verbo תְוִרַעַם, monstrasti, vel significasti mihi, quod in altero membro occurrit; præterea cum neque illud ad rem conficiendam sufficeret, nisi ostendi posset, huic verbo ḪDNH re vera competere notionem revelationi, provocare licet ad lingvam Arabicam, in qua habetur verbum ḪDNH, prima ac tertia radicali punctatis, in significatione submissæ loquendi & insurrandi. Hoe eo rectius hoc loco ad innuendam revelationem divinam traduci arbitramur, quod verbum ΝΥΝ, cuius participium ΝΥΝ, Neym, de effatis divinis apud Prophetas frequentissime occurrit, in Lingua Arabicâ idem plane significat. Tandem nec hoc penitus prætereundum, varia esse loca Scripturæ, in quibus nostrum verbum similem notio em admittere videatur, quamvis ea hic adponere prohibeat studium brevitatis, præsertim cum utiliter fieri non posset, nisi paulo prolixior adhiberetur demonstratio,

tio, quam hic locus ~~caperet~~^{non}. Melius forte fecerimus, si paucis docuerimus, quomodo jam ~~allata~~ notio cohæreat cum notionibus volendi, optandi, desiderandi, ~~asprobandi~~ &c. quas sub radice ~~q̄m~~ cumulare solent Lexicographi Hebraici. Clayem suppeditabit alterum verbum ~~q̄m~~ *Arabum*, quod *ultimam* tantum *punctatum* habet. Hoc significat *inflexere* & *inclinare*. Hinc per solam metonymiam signi habemus significationem *insuffurandi*. Nam qui aliquid alteri *insuffurrare* vult, is os suum ad aurem ejus inclinat. Quæ autem volumus, optamus desideramus &c. ad ea nos quodam modo *inclinamus*, quemadmodum *reclinare* nos solemus ab iis, quæ *nolumus* & *aversamur*. Hinc actus voluntatis & noluntatis per *inclinationem* & *reclinationem* describere solent Philosophi Wolfianii. Nihil igitur aliud est quod deteximus, quam *certus* quidam *tropus* verbi, ad quem non attenderunt alii, qui ante de hoc loco commentati sunt.

§. V.

His præmissis, vocem ~~νόν~~ sub incudem vocare volumus. Hac voce denotari firmitatem, stabilitatem, soliditatem, veritatem, fidem, fidelitatem, veritatem, justitiam, constantiam, sanctitatem, sinceritatem, integritatem, ex Lexicis cuique constare potest. Nos simpli i notioni veritatis inhabemus, sed ita tamen, ut objective de vera doctrina sumendum

dam existimemus, idque ob vocem ככטה, quæ ei
 in altero membro commatis respondet & doctrinam
 valet. Notum enim est vera dogmata appellari sole-
 re veritates. Quæ hic adponi posset determinatio,
 ea ex voce adjecta כחות pendet. Quid hæc signi-
 ficet, nondum convenit inter Philologos, aliis re-
 nes, aliis præcordia interpretantibus. Uterque error
 exinde ortus videtur, quod vocem veritatis subjective
 sumi debere, præsupposuerunt interpretes, ad legem
 parallelismi non attenderentes. Radicem igitur excusisse
 juvabit. Hæc in Sacris Litteris aliquoties occurrit
 in significatione obducendi & incrustandi. Non nun-
 quam etiam adhibetur de falsis prophetis, qui falsa
 dogmata vano quodam tectorio obducunt, ut inanem
 speciem veritatis mentiantur. In lingua Arabica טיר
 adipe obducere notat, מושׁ vero huc illuc vagavit, huc illuc
 erravit. Hinc notio generalis obducendi nata est. Nam
 qui tectorio parientem obducit, is manu quasi errat
 & vagatur. Hinc Sveticum stryka af. osh au, eo-
 dem modo tum de viatoribus huc illuc vagantibus,
 tum de pictoribus huc illuc versantibus instrumentum
 quo ad illinendum & obducendum uti solent, adhibe-
 tur. Hinc מושׁ vel generatim significat id quod tectum
 est, ut a quovis videri & cerni non possit, vel speciatim
 id quod pictum est. Hoc posito בטהות נסח aut veri-
 tatem in occulto, aut veritatem in picto reddere po-
 teris. Quid vero aptius veritatem Evangelicam sub
 ritibus Leviticis latentem repræsentat, quam si eam
 dixeris veritatem sub inuolucris picturarum & figura-
 rum absconditam? Paulus certe eam eodem prorsus
 modo

modo describit, dum has vocat σκιὰν, umbram, Ebr. x. 1. Sciendum vero est, veteres pictores corpora humana meritis umbris obscurius representasse, antequam ea distinctius veris & vivis exprimere didicissent coloribus.

§. VI.

Ad alterum jam membrum commatis pergitus. Hic vox πνεῦμα præcipua est, ad quam adtendi meretur. Sciendum itaque est, hac, vi originis, notari aliquid, quod apte nexum & plexum, firmiterque compactum & solidatum est. Sic pulcherrimum constituit parallelissimum cum voce πνεῦμα, quæ, vi originis, aliquid denotat, quod firmum, iustum, securumque est. Hæ harum vocum notiones sunt formales. Materialiter πνεῦμα dicitur quidquid in sapientia, scientia, & arte eximium est. Hoc vero loco objectum sumitur, & solidissimam innuit doctrinam de remissione peccatorum per sanguinem Mediatoris in lege Mosis per speciam mundationem leprosorum adumbratam. Hæ doctrina eo rectius πνεῦμα, seu sapientia κατ' ἔγους appellatur, quod illa sola solvit nodis questionis de modo abluendi culpam & auferendi penam peccatorum, de quo inter sapientes omnium temporum & omnium religionum disquisitum & disputatum fuit. Digitum autem a DAVIDE intendi ad modum mundandi leprolos, ex sequenti constat commeate, quod tamen hoc loco plenius excutere non vacat. Hæ eadem doctrina ideo Davidi dicitur חכמתה כחן בְּנֵי

28 10 28

Sapientia in clauso, seu occulto, quod adhuc sub invocaturis & tegumentis latebat typis, solis fidei oculis visibilis. ALIAS SAPIENTIA IN CLAUSO ET VERITAS IN OCCULTO idem est, quod *sapientia clausa & veitas occulta, juxta consuetum lingua Idiotismum, cuius exempla Grammatici atque Philologi passim inculcant.* Huc pertinent ex multis sequentia:
Consiliarius in intellectu pro consiliarius intelligens,
1 Paral. XXVI. 14. Vox in potentia, pro vox potens, vox in gloria, pro vox gloriofa Psalm. XXXIX.
4. Custodia in nocte, pro custodia nocturna Psalm. XC. 4. Timor in noctibus, pro timor nocturnus Cant. III. 8. Opus in agro pro opus agreste Exodi I: 14 Populus in malo pro populus malus Exod. XXXII. 22. Confer sis GLASSII Philol. Sacr. Lib. III. Tr. 1. Can. IX. GEJERI Prælect. Publ. in h. l. J. H. Michælis Annot. Uber &c. Similem loquendi rationem in Scriptis Græcis Novi Testamenti frequentari, notissimum est. B. G. hic adduxisse sufficiat unicum οὐδεὶς ἐν αὐτῷ, *Sapientia Dei in mysterio i. e. Sapientia Dei mystica* 1. Cor. II. 7. qui locus Paulinus loco huic Davidico plane parallellus est. Atque ita, quantum ratio brevitatis permisit, sensum hujus oraculi Davidici sufficienter evolutum dedimus.

